



**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

11. De externis actibus amoris Dei perfectè exercendis

[urn:nbn:de:hbz:466:1-60091](#)

actus elice, iuxta paradigmā in Ind.
meditat. c. 7. §. 4. assignatum.

III. Quām sublimiter B. Virgo inef-
fabili amoris Dei æstu flagrantissima,
hos similesque amoris affectus modo
insinuato, amplissimos, purissimos, inter-
fissimos, constantissimos, insatiabilissimos
totā vitā multiplicarit: quantò porrò
adhuc sublimius Christus Dominus
perenni inæstimabilis erga Patrem a-
moris incendio æstuans eosdem à pri-
mo conceptionis instanti usque ad su-
premus vitæ halitum continuari!
prout latius id explicatur, l. p. med.
hebdom. 2. post Epiph. med. 6. & 7.
Renouatio eorundem affectuum amo-
ris subiecta.

IX.*De externis actibus amoris perfecte
exercendis.*

I. Expende quinam sint præcipui
externi actus amoris Dei, &
quanti singuli apud Deum pretij &
meriti, quales sunt hi triplices, 1. Sub-
limes supradictos intellectus de Deo,
eius attributis, omnibusque eius glo-
riam concernentibus sensus, piosque
voluntatis affectus publicè priuatim-
que verbis & factis testari, omnibusq;
similes perfecti amoris sensus incul-
can-

cando, indefesso conatu diuinæ bonitatis & amabilitatis cognitionē, amorem, cultumque quavis oblata occasione latius propagare procurando; assiduo studio eximis perfectionis inse alijsq; promouendæ ad vnicam Dei gloriam augendā collimando. 2. Verbis similiter & factis demonstrare, se reuerenter approbare, laudare, premeque acceptare, & amplecti, quicquid diuina prouidentia circa se, omnes, & omnia statuerit, disposuerit, permiserit, quoad animam, corpus, famam, bona fortunæ. 3. Reipsa adimplere conari sanctissimam eius voluntatem, accurata obseruatione omnia præceptorum, consiliorum, regularū, diuinarum inspirationum, sollicita cœitatione & expiatione minimarum prævaricationum, indefesso studio proficiendi iudies in omnimoda perfectione, atque omnia quæ facit & patitur, faciendi & patiënti, ex pura diuini amoris, honoris, beneplaciti intentione. Quot occasiones hos actus frequentandi tibi quotidie offert diuina bonitas! quot vberioris gratiæ præsidia suppeditat? quot calcaria admouet? an non tandem tempus torporem excutiendi? Desiderium hos actus

actus frequentandi hic prolixius eliciendum.

II. Qua ratione perfectè & meritò hi triplices actus possint frequentari,
Nimirum si exerceantur 1. cum debita aduertentia intellectus, suauiter subindè fundamenta & incitamenta amoris Dei ruminando, sicq; voluntatem, & per eam alias potentias ad vehementius amandum, & reipsa amorem exhibendum excitando. 2. Cum inflammatu voluntatis affectu internos amoris actus cum heroicis desiderijs vires excedentibus discretè externis interserendo. 3. Cum seria applicatio virium mentis & corporis, opera externa amoris Dei, tam elicita ab ipso, quam imperata, ut sunt omnia alia opera bona, & indifferentia ex motu amoris Dei facta, conando exactè quoad omnes circumstantias peragere. 4. Demum cum crebra renouatione puræ intentionis, nihil in his aliud spectando, quam unicum Dei honorē, beneplacitum & obsequium. Si cum prædicta perfectione hos actus amoris vel unico die, vel hebdomada sedulò frequentares, quantum meritorum cumulum cōgregares! quanto maiorem, si id multis annis, tota vita

cōs-

continuares! Desiderium cum hac perfectione amoris frequentandi hic protrahendum more consueto cum propositis practicis.

III. Quām perfectē B. Virgo prædicto modo actus externos amoris exercuet, imò omnia sua opera etiam ex se indifferentia ex motu perfectæ charitatis peregerit; tantò utique perfectius, quantò eius intellectus erat illuminator, affectus inflammator, habitus charitatis intensior: quo ipsa deinde à fomite peccati; à remoris amoris proprij erat immunior, in omnī virtute solidior, Deo coniunctior! quanto tandem interuallo in his operibus charitatis perfectissimè tota vita continuandis superarit benedictam Matrem benedictissimus Filius, ob similes rationes in ipso longè sublimiores! Desiderium in his B. V. & Christum ipsum imitandi subnecendum.

De Incitamentis amoris Dei.

XII.

I. Expende præcipua aliqua ad assiduum perfecti amoris Dei exercitium incitamenta, quorum primum sit, *Quod sit optimum medium infinitam Dei erga nos dilectionem, benignitatem & liberalitatem modo quo nos possumus prestat.*